



UNIVERSITÄTS-
BIBLIOTHEK
PADERBORN

Universitätsbibliothek Paderborn

Consultationes Theologicæ Et Spirituales Christiani verè fidelis & verè devoti ...

... De Excellentiss Sanctissimæ Virginis Mariæ Matris Dei

Louis François <d'Argentan>

Augustæ Vindel. ; Dilingæ, 1726

VD18 80217915

Artic. I. Eximia Idæa, quam formare sibi oportet in animo circa
Conceptionem sanctissimæ Virginis.

urn:nbn:de:hbz:466:1-45581

hisce lapidibus. Ille velut è profundâ in se reversus cogitatione, quæ eripuerat sibi memoriam & loci ubi erat, & propositi, quod moliebatur, excusare se primitus voluit de inconsideratione suâ; sed Domina, quæ nec momen-

tum perdere volebat inanibus verborum officijs, rogavit illum, ut cæteris omnibus omissis, suis duntaxat staret promissis: Unde & ipse eum totâ assidens societate, initium dedit Consultationi, uti mox videbis.

ARGUMENTUM.

Eximia Idea, quam formare sibi oportet in animo circa Conceptionem Sanctissimæ Virginis.

ARTICULUS I.

Non rependum est nobis super terram, si intueri quid volumus de excellentijs Sanctissimæ Virginis, præcipuè illis, quæ Immaculatam ipsius attingunt Conceptionem: Attollendus est animus noster ad æterna decreta DEI; ibi videbitur primam ipsius Conceptionem, totam puritate splendidam, totam resurgentem majestate & gloriâ. Ecce vobis fundamentalem regulam, quam statuo. Nichil magis est consonum rectæ rationi, quam credere, quòd DEUS, cum sit Auctor omnipotens, & infinitâ ratione sapiens, fuerit totum magni hujus Universi opus, sicut voluit, eòquòd omnipotens sit, & omnia ab ipsius dependant voluntate. Jam credendum est, id voluisse ipsam, sicut magis congruebat, eòquòd infinitâ ratione sit sapiens. Aliter quis credere vel cogitare non potest, si sequi

velit rectam rationem. Jam quicumque sapienter agit, agit ordinatè, & quicumque agit ordinatè, collocat primo loco, & ante omnia id, quòd est nobilissimum, & eximio modo collocat cætera in suo ordine, juxta gradum, quem tenere debent, ut in bono sint ordine.

Positâ hâc fundamentali regulâ, quam doctissimi quique Theologi ceu certam admittunt, ita ipsi ratiocinantur. In decreto æterno, quod formavit DEUS pro creatione mundi, eòquòd omnia fecerit in pondere, numero & mensurâ, id est, in bono ordine, primus, quem sibi posuit ob oculos, fuerat JESUS Christus, eòquòd ipse nobilissimus sit omnium & exquisitissimum suæ opus omnipotentis; opus omninò miraculosum, quod simul est creatum & increatum, creator & creatura, Auctor mundi, & excellentissimum opus mundi; & insuper docent, quòd propter

Sancti
Virgo
prima
JESU
Christi
DEO
oculo
sita i
mund
ocari

JESU
Christus
primus,
quem De
sibi posuit
ob oculos
in creat
ne man

propter ipsum cateræ omnes sint conditæ creaturæ, sitque impossibile, quin ipse primum obtineat locum, eodquod sit DEUS, sed locum infinitâ ratione elevatam supra omnes creaturas, eodquod sit una triûta personarum adorandæ Trinitatis, quæ omnes infinitam obtinent sublimitatem.

Sanctissima Virgo est prima post JESUM Christum DEO ob oculos posita in mundi oratione.

Immediatè post ipsum, bonus exigebat ordo, ut statueret sibi ob oculos Sanctissimam Virgine[m], Matrem ipsius; non solum, quod certum sit, nihil esse excellentius post DEUM, Matre[m] DEI, sed quod necessaria sit connexio, tamque stricta Matrem inter & Filium relatio, ut impossibile sit concipere unum, quin concipiatur & alterum. Probè novimus, in divinitate mutuas relationes Patris & Filij constituere duas has divinas Personas, ita ut juxta id, quod concipere possumus, si prima Persona est Pater, is non sit, nisi quia habet Filium; & si secunda Persona est Filius, is non sit, nisi quia habet Patrem; & si tollas hosce respectus, hæcque relationes reciproces auferam, destruas duas hæc divinas Personas. Nonne ratione quadam idipsum dicere possumus de Sanctissimâ Humanitate JESU Christi, juxta quam est Homo, & Filius Hominis, id est, Sanctissimæ Virginis (siquidem hoc verbum Homo sumitur sic communiter in Evangelio) nonne in-

quam dicere quoque possumus connexionem esse & relationem tam necessariam inter Filium & Matrem, Matrem & Filium, ut impossibile sit Filium esse Hominem, nisi habeat Matrem & hanc esse Matrem nisi habeat Filium? Et si mutuat hanc tollas relationem, unâ cum Filio destrues & Matrem. Hæc veritas tam clara est, tamque certa, ut nemo ipsi contradicere possit.

Cum hæc dixisset, silebat paulisper, nosque aspiciebat, ut videret, an quis esset, qui difficulter admitteret fundamentalem hæc regulam, è qua deducere cogitabat prodigiosas consequentias pro gloria Sanctissimæ Virginis, & præcipuè Immaculatæ ipsius Conceptionis: Et ubi vidit, quod omnes silendo viderentur consentire in omnibus, ita suum resumpsit & prosecutus est discursum.

Cum igitur Conceptio Filij DEI, in quantum est Homo, includat necessariò Conceptionem Sanctissimæ Virginis Matris ipsius, & naturalis connexio Filium inter & Matrem permittere non possit, ut unum concipiatur absque altero, sequitur optime, quod, sicut Filij Conceptio est tota pura, tota sancta, & infinitâ ratione aliena ab omni genere peccati, Conceptio Matris talis quoque fuerit, & dubitari quasi non possit, quin reipsâ purissima fuerit & Immaculata.

Sanctissima Virgo in decreto æterno DEI est concepta absque peccato.

Q 2 Ve:

JESU Christum primæ, quem Deo sibi posuit ob oculos in oratione.

Est conce-
pta in tem-
pore juxta
decretum
aeternum.

Verum tu loqueris, dicebam ipsi, de primâ illius Conceptione in cogitationibus aeternis DEI, in quibus formabat idæam Matris dignæ Filio suo Unigenito: nemo dubitat, quin illa infinitâ ratione sit pura; sed de hac non agitur; quæstio est de Conceptione ipsius temporali in utero Sanctæ Matris suæ Annæ, ex quâ nata est filia Adæ, sicut cæteri omnes infantes; de hac disceptatur, an non æqualis sit conditionis cum alijs. Hoc dici non potest, respondit mihi; eodquod omnia, quæ fiunt in tempore, non sint nisi executio aeternorum decretorum DEI: si ipsa Concepta est absque peccato, in aeterno DEI decreto, oportet ipsam talem quoque esse in executione hujus decreti, quæ facta est in Conceptione ipsius temporali.

Hæc consequentia primâ fronte videbatur mihi absurda; siquidem inveniebam, quod omnes homines tali ratione concepti essent absque peccato, cum certum sit, quod DEUS concipere illos non potuerit cum peccato in cogitationibus suis aeternis, ubi nil est, quod purissimum non sit; & si ipsius decreta darentur executioni in tempore, sicut concepta sunt in aeternitate, omnes homines æque ac Sanctissima Virgo nascerentur innocentes: Conabar omni modo declarare ipsi bene difficultatem meam, quam

fermè eandem esse advertēbam totius nostri confessus, sed tam clarè eandem mihi ademit, ut ne umbra quidem dubii circa ipsam remanserit, dicendo mihi.

Ne confundas Sanctissimam Virginem cum cæteris omnibus hominibus; ipsa namque nihil habet commune cum illis, nisi solam & puram naturam humanam. Quando concepta est ipsa cum Filio suo Unigenito in decretis aeternis DEI, ipse erat perfectus Vir, & ipsa erat perfecta Virgo, ambo infinitâ ratione alieni à minimo peccato; unus, ut esset exemplar omnium Virorum; altera, ut esset exemplar omnium fœminarum. JESUS Christus non fuit formatus ad similitudinem Adæ, sed Adam erat cultus statim ab initio ad similitudinem JESU Christi. Sanctissima Virgo non fuit formata ad similitudinem Evæ, sed Eva formata ab initio fuit ad similitudinem Sanctissimæ Virginis; & ideò Adam & Eva producti sunt ab initio in perfectâ innocentia, quia esse debebant imagines JESU Christi, & Sanctissimæ Matris ipsius; ambo ita replebantur gratiâ, ut satis superque haberent ad locupletandum illâ totam posteritatem suam; sed fruebantur libertate bene vel malè utendi illâ; & quia miserabiliter abusi sunt insigni hoc privilegio à DEO sibi concessio, suam perdiderunt gratiam pro seipsis, &

Obiectio in
speciem va-
lida.

JESUS
Christus
Sanctissimus
Virgo
Archety-
pa, juxta
quæ facta
ti sunt
Adam &
Eva in
nocentia
suâ.

Admi-
exemp-
decret-
terni I

& pro totâ naturâ humanâ ab ipsis dependente, velut dependet rivulus à suo fonte.

Ecce igitur Ectypa JESU Christi & MARIE deformata ex propria suâ culpâ; an dicas propterea, ipsa deformasse sua etiam Archetypa? Venenatus hîc fons dimanavit quidem in rivulos se in ferio es, magisque depressos, sed in altum ascendere non potuit. Quandoq; DEUS vidit totam naturam humanam in suis idæis æternis, Filius ipsius Unigenitus & Mater illius concepti jam erant ante omnes homines in Eminentiſsimâ Sanctitate: Adam & Eva formati sunt ad ipsorum imaginem in perfectâ innocentia; dum ipsi hanc perdunt seque crimine obstringunt, totam suam posteritatem suo involvunt crimine; ita ut nascentes ex patre rebelles quoque sicut Pater ipsorum; & consequenter aspiciuntur à Deo velut objecta æquissimæ iracundiæ suæ; & omnia hæc ita statuta in decretis æternis DEI, ita dantur executioni in tempore. Omnia executionem sortita sunt in tempore, sicut conclusum fuerat in deceto æterno DEI: JESUS & MARIA nascuntur tam pleni gratiâ & sanctitate, ut infinitâ ratione futuri sint alieni ab omni genere peccati, eòquod ita concepti sint in deceto æterno DEI. Adam & Eva producantur pleni innocentia,

velut eximie imagines ipsos representantes, quia ita concepti sunt in cogitationibus æternis DEI; sed omnes ipsorum posteri nascentur coinquinati crimine protoparentum suorum, & ipsius portabunt pœnam, quam tota natura humana in Adam & Eva DEO suo non obtemperantibus unita æquissimo jure promeruit, eòquod ita conclusum & statutum sit in decretis æternis DEI.

Et si quæras, quomodo fieri possit, quod Sanctissima Virgo non comprehendatur in hoc deceto universali, cum ipsorum sit filia; ipsa respondebit tibi: *Nondum erant abyssi, & ego jam Concepta eram.* Hæc peccati & miseriarum, quas illud trahit post se, profundæ abyssus nondum extiterant, quando concepta ego fueram, & in æternis decretis DEI statutum jam erat, ut nascerer absque peccato. Id quod in errorem vos ducit, totumque decipit mundum est, quod ipsam non aspiciatis, nisi velut filiam Adæ terrestres, pro eo, quod ipsam quisque aspiciere deberetis velut Matrem Adæ cœlestis. JESUS & MARIA inseparabiles ab invicem in Conceptione æternâ DEI, sunt duo magna Archetypa innocentia & sanctitatis, juxta quæ omnes viri & omnes feminae, quæ non nisi ipsorum sunt ectypa, formari debent. Sed Archetypa non formabuntur juxta Ectypa; infelicitatum

Q 3 tatum

Admiranda
exemptio
decreti æ-
terni DEI,

Proverb. 8.

Fallitur,
quifquis
Sanctissi-
mam Vir-
ginem aspi-
cit velut fi-
liam Adæ
Peccatoris.

rum omnium maxima est, quòd hæc ectypa omnia sint deformata, sed Archetypa conservant semper perfectionem suam prorsus integram.

JESUS & MARIA non sunt ectypa, sed Archetypa ad imitandum.

Venite divina Archetypa ostendite vos mundo in plenitudine temporum, conspicienda exhibete vos in medio hominum, ut dum vos aspiciunt, reformate possint, quòd destructum est in totâ naturâ humanâ. Ipsi ergò non veniunt, ut similes fiant cunctis filijs Adæ, sed ut omnes filij Adæ similes sese efficiant ipsis. Non veniunt, ut involvantur peccato totius naturæ, sed ut à peccato exsolvant totam naturam.

Absque divinis hæc Archetypa nunquam aliquid reparatum fuisset, nec restitutum bono ordini; Et si ipsimet deformati fuissent aliquo peccato, sicut omnes alij, quomodo servire potuissent velut Exemplaria ad ipsos reformandos. Sed admiranda hæc sunt divina Sapientie consilia, & misericordie ipsius liberalitas in executione æternorum decretorum Dei, quæ clarè ostendant, quâ ratione Sanctissima Virgo omnino particeps non fuerit peccati originalis, sicut cæteri homines.

An benè capis, quòd dico?

ARGUMENTUM.

JESUS & MARIA non imitati sunt, sed reformarunt Adam & Evam.

ARTICULUS II.

Antitheses & comparationes notabiles.

Sæpè fiunt comparationes, sæpè etiam fiunt antitheses JESU & MARIE cum Adam & Eva. Unus probat, quòd multum habeant conformitatis, alter probat, quòd multum habeant oppositionis; Et ambo procul dubio, non absque ratione. Siquidem necesse est inter ipsos intercedere aliquam similitudinem, eòquod se habeant velut Archetypa & Ectypa; & impossibile quoque est, quia maxima inter ipsos intercedat oppositio,

eòquod se habeant velut Archetypa perfectissima ex unâ, & ex alterâ parte velut Ectypa turpissima, feedissima. Maxima erat similitudo, quando conveniebant in naturâ & in gratiâ; & oppositio facta est summa, quando Adam & Eva perdiderunt gratiam, dum ipsa remansit in JESU & MARIA in suâ plenitudine.

Ad restituendum primam Conformitatem inter Archetypum & Ectypum, removenda est oppositio, quæ tollit illam, & ad removendam